



- **Cunc dla dlizia:** la ploania envieia ince eniann düc a mostré solidaritè y a dé so contribut por l'ativité dal 2016. Al ven perié do en contribut de **30,00 € da düc chi co davagna o ciafa na pensiun.** Cösc pó gní paié tla banca:  
Cassa Raiffeisen **IBAN IT 60 B 08010 58550 000305001820,**  
Cassa dal Sparagn **IBAN IT 18 B 06045 58550 000005000568,**  
o en sabeda ai 20 y en domegna ai 21 de forá do messa, te calogna bas ete.
- **Pelegrinje dles ploanies ladines ala Porta Santa** dal Dom da Porsenú, en sabeda ai 23 d'aorí: les **prenotaziuns por la ploania d'La Pli** ven tutes sö da maestra Brigitte: en **sabeda ai 20,** en **domegna ai 21,** en **dedolönesc ai 23** y en **domegna ai 28** de forá, dagnora na mesora do messa te calogna bas ete. Pla prenotaziun él ince da paié 25,00 € por iade y marena.

## 1 enformaziuns y termins

**Oies:** al ven lascé alessei che sö Oies ven les messes celebrades vigne de - ince la domegna - ales 16:00, ma le lönesc n'él degüna messa. Vigne de dan o do messa él ince la poscibilitè da se pissié. Al basta se lascé adentene pa P. Jan (ince te ciasa). Vigne pröm vendres dal mens vegnel tigní ales 20:00 na adoraziun eucaristica.

**De mondial d'oraziun dles Eres:** en vendres ai 4 de merz sot al tema "Sce i toleis sö mituns, toleise sö me". Ales 15:00 prozesciun con les Staziuns da Badia demez, ales 16:00 santa messa a Oies con tesç y ciances dles Eres da Cuba y oferta por eres. Les Eres de dötes les ploanies é der bel inviadés.

**KVV:** le KVV envieia ala encuntada dles porsones vedoes y sores de döta la diozeja en domegna ai 6 de merz ales 9:30 tl'Academia Cusanus a Porsenú: santa messa con signor Josef Stricker y referat de Vigil-Maier Elsa. Domisdé aorela cörta con teater y musiga. Le bus peia ia da Longega ales 7:50; le iade é debann, la marena costa 16,00 €. Prenotaziuns cina ai 2 de merz pa Maria de Ierghelè ☎ 0474 501322.

**Uniun Patrones San Martin:** enviun düc en vendres ai 4 de merz a n pelegrinaje a Spinges. I piun ia da Lungiarü ales 8:15 y ales 8:30 da San Martin. Al ven con nos signor degan Iaco Willeit. I jun ince a Pursenú tal Dom ala Porta Santa. Prenotaziuns pa Lucia ☎ 338 9918326 o Loise ☎ 0474 590026 cina ai 28 de forá.

**Zenter Families:** le ZFM envieia dötes les families da se scrí ete ala uniun, paienn anter i 29 de forá le contribut 2016, co é de 20,00 €, sön le cunt dla Cassa Raiffeisen IT 67 S 08010 58550 000305024064. Al é emportant da se recordé da dé dant dagnora la e-mail, por ciafé ensciö dötes les comunicaziuns dles ativités.

⇒ **kfb:** la "Katholische Frauenbewegung" organiseia pelegrinaji dles Eres por l'Ann Sant a Roma. Informaziuns plü avisa ciafeise sön plates a pert!

<b>Döt le bun a:</b>	Vitoria Angela Erlacher	* 22.02.1933
	Lois Trebo, Al Plan	* 22.02.1935
	Vesco Ivo Muser	* 22.02.1962
	Matia Astner	* 23.02.1932
	Angelica Maria Kastlunger Giovanelli, Sterzing	* 26.02.1941
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns cina al dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



# Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 Mhz



**VAL BADIA**  
www.unitepastorala.org

Ann C

21.02.2016 - Secunda domegna de Carsema

n. 13

## Cösc é mio Fi prelitè, ascutédele!

☞ Gen 15, 5–12.17–18 | Fil 3, 17 – 4,1 | Lc 9, 28b–36

### Dal Vangelo do San Lúca:

Te chel tomp <sup>28b</sup>á Gejú tut Pire, Jan y Iaco sön na pert y é jü empara sön na munt a perié. <sup>29</sup>Y dertan ch'al períâ, s'á müdé l'aspet de so müs, y so quant é diventé blanch lominus. <sup>30</sup>Te n iade baiâ dui ei empara. Al ea Mosé y Elía; <sup>31</sup>ai ea aparís te n lominus raiont y baiâ de söa fin, co dea s'ademplí a Ierúsalem. <sup>32</sup>Pire y sü compagns ea gnüs coüs dala sonn, mo ai s'â endespré y odea Gejú te n lominus raiont y i dui ei co ea dlungia d'el. <sup>33</sup>Canche chisc dui orea s'an jí demez da d'el, á Pire dit a Gejú: Maester, al é bun ch'i sun atló. I orun fá sö trei üces, öna por te, öna por Mosé y öna por Elía. Mo al ne sâ nia ci ch'al dijea. <sup>34</sup>Ciamó dertan ch'al baiâ, él gnü n nío y i á curí con söa ombria. Ai ea roés ete tal nío y se teme. <sup>35</sup>Y dal nio scraiâ na usc: Cösc é mio Fi prelitè, ascutédele! <sup>36</sup>Mo do che la usc â zodü, ea Gejú endô su. I discepui scutâ y ne ti cuntâ en chi dis a degügn ci ch'ai â odü.

### I ponsun do

*Vignedé aldiunse tan de sort de messaji y al nes ven fat engröm de postes co sona bun, tanc ô nes ensigné y istrúí. A forza de aldí dötes cöstes usc s'anse aüsé da ne ti meter gnanca plü dagnora averda. Mo Gejú Crist orunse ascuté sö. Chelbeldio enstes nes dij che so Fi é le maester dla jont, chel co ademplesc les empormetüdes y daür i trus por la vita.*



### I periu

*Gran Beldio, to Fi pó ti dé direziun y travert a nosta vita. Deidesse da l'ascuté sö y ti meter averda y da orienté nosta vita do so insegnamont. Por el, Crist, nosc Signur.*

do Wilhelm Egger "Sonntagsbibel"

☞ Letöres dla Terza domegna de Carsema:

Es 3, 1–8a.13–15 | 1 Cor 10, 1–6.10–12 | Lc 13, 1–9

**Edema liturgica dai 21.02. ai 28.02.2016**

<b>DOM 21.</b>	<b>Secunda domegna de Carsema</b>	<i>Pire Damiani, German, Tomesc, Robert</i>
<b>08:30</b> 10 y 18	<b>gran messa</b> por dōta la ploania y por i tomês y pordüs te vera, funziun te cortina <i>s.m. a Al Plan</i>	<i>oferta por i debojügn dla ploania</i>
<b>Lön 22.</b>	<b>fešta dla Catedra de San Pire</b> , <i>Diego, Isabella, Margareta</i> <b>de d'oraziun te familia</b>	
<b>Ded 23.</b>	<i>Policarp, Otto, Romana</i>	
▶ <b>07:45</b> ▶ <b>14:00</b>	<b>s.m. dai scolari</b> do int. dla fam. Franz y Veronica Peslalz, La Pli <b>s.m. de sopoltōra</b> de Giovanni Ploner, La Munt	
<b>Dem 24.</b>	<b>fešta de San Matia apostul</b> , <i>Ida, Irmengard</i>	
▶ <b>07:30</b> <b>16:00</b>	<b>2ª s.m. de sopoltōra</b> de Giovanni Ploner, La Munt al ven dit Les Staziuns te dlijia da Pliscia <b>de d'oraziun te familia</b>	
<b>Jöb 25.</b>	<i>Walburga, Adeltrud, Cäsariun</i>	
▶ <b>14:30</b>  <b>19:30</b>	a Longega <b>s.m.</b> en onú de Santa Maria da Lourdes por dūc chi da Longega <b>s.m. dai scolari dla mesana</b> por vis y +ti dla fam. Isidor y Frieda Agreiter, Brach	
<b>Ven 26.</b>	<i>Ulrich, Metilde, Ottokar y Adalbert, Alexander, Paula</i> <b>astinonza dla cern</b>	
<b>19:30</b>	<b>funziun con Les Staziuns</b>	
<b>Sab 27.</b>	<i>Marchward, Iulian, Rupert, Augustin, Gabriel</i>	
18:00 <b>19:30</b>	<i>s.m. prefestia a Al Plan</i> <b>s.m. prefestia</b> por vis y +ti dla fam. Burchia de Val	
<b>DOM 28.</b>	<b>Terza domegna de Carsema</b>	<i>Roman, Silvana, Elisabeth, Oswald, Antonia</i>
<b>08:30</b> 10 y 18	<b>De de solidarieté por le patronat KVV</b> <b>gran messa</b> por dōta la ploania <b>3ª s.m. de sopoltōra</b> por + Giovanni Ploner, corona dla comunité <i>s.m. a Al Plan</i>	<i>oferta por le patronat KVV</i>
<i>ampola:</i>	por fam. Ritsch, Tomele da Rara	
<i>ministronc:</i>	▶ da doman y domegna: Fabian Winkler y Carolin Willeit ▶ da sera y domegna: Filip Trebo y Hannes Taibon	
<i>i recordun:</i>	Scholastica Agostini Mayr, Pichl/Gsies + 22.02.2009	

**Ann dla misericordia - spiligaziun dal logo**



Gejú, so Fi, é gnü tal monn a nes mostré la misericordia dal Pere y a nes insegné da ester misericordiusc ince nos. Te cösc vers nes deida le dessegn ch'i encuntun entres endô en cösc ann. Al esorteia da vire la misericordia do l'ejempl dal Pere co nes racomana da ne iudiché y condané nia, mo da pordené y da scinché amur y pordonn zonza mosōra.

Le dessegn, co é n'opra d'ert der garatada dal pater iesuit Marko Ivan Rupnik, lieia adöm les maiús espresciuns teologiches dla misericordia.

Al mostra le Fi de Dio, con les plaies, co se ciaria sön söes sciabes le chescian pordü. Al é na imaja, der aprijada dala Dlijia dai pröms tomps, co significhieia l'amur de Crist co completeia söa incarnaziun con la salveza.

Le dessegn met a löm tan sot che le Bun Famei rōa en contat cun le chescian; y al le fej con n amur tan gran, ch'al é bun da ti müdé la vita.

Le Bun Famei porta l'umanité sön söes sciabes con na misericordia straordinaria: sü edli va a s'uní con chi dal chescian ch'al porta. Crist veiga con i edli de Adam y Adam con i edli de Crist.


Te Gejú Crist veiga vigne chescian söa condiziun umana y so dagní co l'aspeta, contemplenn tal müs de Crist l'amur dal Pere.

Cösta scena é dessegnada ete tla cornisc de na mandorla; ince cösta configuraziun ven dant tles pitōres dai pröms tomps y t'eté mesana dla Dlijia y simboliseia les döes natōres de Crist, la divina y la umana.

I trei certli bröms, co ven caifora tres plü lominusc, significhieia le movimont de Crist co condüj le chescian fora dla net dal picé y dla mort adacuntra al lominus. Dal'atra pert é le corú scür ete amez segno dla profundité dal amur dal Pere co pordona döt.

*(dala spiligaziun ofiziala)*

**I Sacramonc cuntés ai mituns (5)**



Le Spirit de Chelbeldio da vita

**La crejima o confermaziun**

Chelbeldio se scinca so Spirit: so Spirit se da coraji y fantasia, se fej stersc, da orei bun, pazionc y perseveranc. Al n'é nia rresservé a porsones particulares, mo ô animé vignönn co se daür a el. Al i scinca a vignönn en so talent: scrí de beles leteres, cuncé rodes, fá na bona turte o trá le gol dezisif ... Degügn n'é boggn da fá döt, mo val' él dūc co sa da fá.

Dūc i sacramonc á da fá con le Spirit Sant, mo dandadöt la crejima. Chi co se lascia confermé i dij ala comunité: "lu ô jí ennant con os le tru ch'i á motü man con le Bato." Le vesco i met sö les mans al crejimand y unj söa frunt con le crism, l'ere sant. Al ti baia ados a vignönn con l'ennom: "Te dess ester sigilé tres la scincunda de Chelbeldio, le Spirit Sant. La pêsc sides con te." Cösc sigil se fej plenamente membri dla Dlijia. Con i talenc ch'i ciafun dal Spirit Sant desson daidé formé la Dlijia. Con la vita che le Spirit Sant se scinca desson ti dé vita ala Dlijia.